

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

Zahtjev za sastanak o stabilnosti i budućnosti Bosne i Hercegovine

Bosnian-Herzegovinian American Academy of Arts and Sciences Board of Directors

Bosnian Herzegovinian American Academy of Arts and Sciences (BHAAAS)

Bosanskohercegovačko - američka Akademija nauka i umjetnosti

2411 Newburg Rd.
Louisville, KY 40205
United States
info@bhaaas.org | aterzich@iu.edu
(502) 379-7304

14. decembar, 2025.

Počasni član Marco Rubio
Državni sekretar
State Department SAD

Počasni član James E. Risch
Predsjedavajući, Odbor Senata za vanjske odnose
Senat SAD

Počasni član Brian Mast
Predsjedavajući, Odbor za vanjske poslove

Predstavničkog doma Predstavnički dom SAD

Članovi Senata i Doma

Odbori za vanjske poslove

Washington, D.C. 20515

Predmet: Zahtjev za sastanak o stabilnosti i budućnosti Bosne i Hercegovine

Poštovani sekretaru Rubio, predsjedavajući Risch, predsjedavajući Mast, i uvaženi

članovi Odbora:

Bosanskohercegovačka akademska, kulturna i naučna zajednica u Sjedinjenim Državama je duboko zabrinuta za budućnost Bosne i Hercegovine (BiH). Uznemireni smo eskalirajućim prijetnjama Dejtonskom mirovnim sporazumu – Općem okvirnom sporazumu za mir u Bosni i Hercegovini (1995.) – posebno prijetnjama secesijom, poricanjem genocida i veličanjem ratnih zločinaca. Dok su takve destabilizirajuće akcije istorijski proizašle iz rukovodstva Republike Srpske, te podržane od strane političkih aktera u Srbiji, mi sve češće svjedočimo sličnim akcijama i pojedinih hrvatskih političkih ličnosti.

Tokom saslušanja o Zapadnom Balkanu 2. decembra, gospodin Max Primorac referisao se na Bosnu i Hercegovinu kao “propalu državu”, što je karakterizacija koju mi oštro odbacujemo. Bosna i Hercegovina nije propala država. BiH ima dugu i istaknutu historiju: srednjovjekovna Bosna bila je jedno od prvih šesnaest kraljevstava u Evropi. Sedam vijekova kasnije, Evropa ima četrdeset i devet zemalja, ali još niti jednu poput Bosna i Hercegovina – zemlje koju je definisao, ne samo suživot više kultura u neposrednoj blizini, nego i jedinstvena i uvjerljiva kultura i društveni poredak koji je obuhvatao sve etnicitete, različite vjere – Katolicizam, Judaizam, Islam i Pravoslavlje – kulturološki međuzavisne. Ovo je prava deskripcija naše zajedničke domovine, Bosne i Hercegovine.

Mi, članovi Bosanskohercegovačke američke Akademije nauka i umjetnosti (BHAAAS), vjerujemo da Sjedinjene Države mogu i trebaju nastaviti da igraju ključnu ulogu u zaštiti mira, održanju suvereniteta i nezavisnosti BiH, i podržavanju njenih euroatlantskih integracija. S obzirom na hitnost demokratske krize u BiH—podstaknutu akcijama određenih političkih predstavnika – i širenjem dezinformacija u Washington, D.C., s poštovanjem tražimo sastanak sa Vama kako bismo Vam prezentirali tačne informacije i da surađivali na koracima potrebnim da se osigura stabilna, demokratska i prosperitetna Bosna i Hercegovina.

BHAAAS je dobrovoljna, neprofitna, nevladina, nestranačka, apolitična, multietnička i multikulturalna organizacija posvećena obrazovnim, naučnim i dobrotvornim svrhama. Naših oko 300 članova su vrhunski profesionalci u medicini, tehnologiji, društvenim naukama, inženjerstvu i umjetnosti. U proteklih osamnaest godina organizovali smo šesnaest velikih naučnih kongresa u Bosni i Hercegovini, svojom ekspertizom doprinijeli i podržali razvoj zemlje i njenih budućih generacije. Princip koji nas vodi je da je znanje bogatstvo koje se dijeli. Američki ambasadori u Sarajevu i drugi američki predstavnici redovno prisustvuju našim godišnjim kongresima, dosljedno reafirmirajućo snažnu podršku Sjedinjenih Država napretku BiH ka članstvu u NATO-u i EU.

Duboko cijenimo vođstvo Sjedinjenih Država u okončanju rata u Bosni i Hercegovini i njihovo prepoznavanje zajedničkih vrijednosti između američkih i bosanskohercegovačkih građana: demokratija, multietničnost i ljudska prava. Uprkos značajnoj podršci SAD, kritični izazovi opstaju, uključujući prijetnje parlamentarnoj demokratiji, slabljenje civilnog društva, sistemska korupcija, etnička diskriminacija i stalni naponi ekstremističkih i secesionističkih aktera—podržani od strane političkih snaga u regionu i šire – da potkopaju teritorijalni integritet i suverenitet Bosne i

Hercegovine. Kao posvećeni partneri, nastojimo da aktivno doprinesemo zaštiti demokratskih institucija, zaštiti ustavnog poretka Bosne i Hercegovine i njenog teritorijalnog integriteta. Jačanje ovih principa je od suštinskog značaja za osiguranje dugoročnog mira i stabilnosti na Zapadnom Balkanu.

Iz ovih razloga, s poštovanjem tražimo sastanak sa državnim sekretarom Rubiom, predsjedavajućim Rischom, predsjedavajući Mastom, i članovima Odbora kako bi podijelili našu viziju uspješne, meritokratske Bosne i Hercegovine koja ne zadovoljava sebične lične interese. Ovim sastankom bi SAD potvrdili i ojačali postojeću podršku Bosni i Hercegovini. Kada datum i vrijeme sastanka budu potvrđeni putem gore navedenih adresa e-pošte, odmah ćemo poslati imena i biografije predstavnika BHAAAS-a koji će prisustvovati sastanku.

Hvala Vam na Vašem vođstvu i što ste razmotrili ovaj važan zahtjev.

S poštovanjem,

U ime Upravnog odbora BHAAAS-a,

Zlatan Akšamija

Predsjednik Bosanskohercegovačko-američke Akademija nauka i umjetnosti

Prevod: Adela Jušić

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.